

TEXAS DIABIerna AWOR TA MARCA E COMIENSO DI UN EPOCA NOBO

ORANJESTAD(AAN) - Hopi hende ta puntra di con e tan famoso muebleria di mas di 72 aña ta carga e number di Texas Furniture Store.

E storia ta cu Sr. Fred Smith, procedente di e estado Texas na Merca, a establece su mes na Aruba y despues a casa cu Srta. Mercedes Oduber, yiu di un famia prominente na Playa. Na 1929 nan a funda e negoshi Texas Furniture Store, asina honrando e lugar unda Sr. Smith a nace. Despues di morto di Sr. Smith e negoshi a pasa sucesivamente dos biaha pa doñonan den e famia mes.

Na 1973 J. Max Croes



hunto cu su esposa Sra. Marie-Therese Croes a bira doño di Texas Furniture Store. na aña 1977 nan yiu homber Paul (Dadou) Croes a uni su mes na e negoshi

como gerente.

Durante diferente epoca otro yiunan tambe a contribui na e crecimiento di Texas. Bao e dinamico maneho di Sr. J. Max Croes

y Sr. Dadou Croes, cu e gran apoyo di nan incansabel y fiel empleadonan y hunto cu e sosten y lealtad tan aprecia di nos comunidad, Texas a crece te bira e muebleria di

mas importante aki na Aruba.

E fecha 23 di Februari 2001 ta marca e comienzo di un gran epoca nobo pa Texas. Bao gerencia di Dadou, Texas lo habri su porta den e magnifico edificio nobo na Cumana (un tiki pariba di Playa), pa asina ofrece henter pueblo di Aruba un concepto diferente cu hopi mas facilidad y mucho mas mercancia di mas bunita na prijsnan na alcance di un y tur.

Door di e medio aki, nos na Texas ta invita henter pueblo di Aruba pa pasa na nos edificio nobo y admira e coleccion enorme y varia cu nos ta ofrece pa embeyese bo hogar.